

Æskulýðsstarf Geysis 2017 – 2018



Haustið 2017 tók við ný æskulýðsnefnd hjá Geysi sem setti sér þau markmið að efla æskulýðsstarfið sem hafði verið frekar dauft undanfarin ár og auka áhuga ungu kynslóðarinnar á hestamennsku og allt það sem hún hefur uppá að bjóða. Okkur fannst mikilvægt að ná að tengja þessa krakka betur saman sem eru á þessu svæði en Geysir nær yfir stórt svæði eða frá Þjórsá að Markafljóti. Starfið gekk í alla staði mjög vel og var virkilega gaman að sjá hvað þátttaka var góð á þeim viðburðum sem að nefndin stóð fyrir. Hér verður farið yfir dagskránnar sem að nefndin vann að í vetur, vor og sumar.

Kynningarfundur

Í október var haldin kynningarfundur þar sem við vorum búin að vinna í dagskrá vetrarins og kynntum hana fyrir foreldrum og börnum og buðum uppá pulsir og skúffukökur. Fyrirhuguð námskeið voru kynnt sem voru síðan auglýst betur seinna meir. Ágætis mæting var á fundinn og allir spenntir fyrir vetrinum og dagskránni.

Bingó

Í nóvember var hið hefðbundna bingó sem er alltaf góð mæting á eða um 80 manns. Mikið var um flotta vinninga sem að hrossræktarbú á svæðinu styrktu ásamt öðrum fyrirtækjum.



Kynningarkvöldið – flottir vinningar á bingói

Landsmótshópur

Í desember var fyrsti fundur hjá Landsmótshóp sem var settur saman fyrir börn, unglinga og ungmenni sem hafa áhuga á keppni og þjálfun keppnishrossa. 22 skráðu sig í þennan hóp sem að Hanna Rún Ingibergsdóttir og Hjörvar Ágústsson sáu um. Þau hittust að meðaltali einu sinni í mánuði, stundum oftari. Hjörvar og Hanna Rún sáu um kennslu, þau fengu líka til sín gæðingadómara (Gísli Guðjónsson) og reyndan keppnisknappa (Guðmundur Björgvinsson) sem voru til að svara spurningum eina kvöldstund. Einnig hélt félagsfræðingurinn Viðar Halldórsson frábæran fyrirlestur um hvernig maður getur bætt sig í íþróttum með andlegum og félagsfræðilegum þáttum. Haldið var æfingarmót fyrir Landsmótsúrtökuna með dómurum þar sem hvert par fékk að spreyta sig og fékk síðan einkunn og umsögn frá gæðingadómara hvernig væri hægt að bæta sig. Þessi hópur þjappaðist vel saman og var aðdáunarvert að sjá

samheldnina hjá þeim fram yfir Landsmót þar sem þau stóðu sig vel þau sem komust áfram og hinir sáu um að efla klappliðið.

Hestahópur

Þar sem alls ekki allir hafa áhuga á keppni þá var ákveðið að setja saman hestahóp sem hittist þrisvar yfir veturinn. Í þessum hóp voru 13 krakkar á öllum aldri og Therese Sundberg var með umsjón. Hópurinn hittist til að fræðast um hestinn, til dæmis litina, ýmis heiti yfir hestinn og hvaða líkamspartar hestsins heita. Einnig til að ríða út, fara í leiki og þrautir, prófa að teyma hest, sitja á snjópotu fyrir aftan hest, horfa á vídeó af sirkusatriðum og fá smá innsýn í hvernig maður kennir þeim sirkustrix og margt fleira skemmtilegt. Markmiðið einfaldlega að hafa gaman saman.



Frá hestahópnum – Þrautabraut og æfing hjá Landsmótshópnum

Uppskeruhátíð

Við áttum notalega stund saman með börnum, unglingum og ungmennum um miðjan janúar þar sem við veittum viðurkenningar fyrir þátttöku á námskeiðum og á hestamótum síðasta árs. Jakob Svavar Sigurðsson kom til okkar og sagði okkur frá því hvernig hann byrjaði í hestamennsku og hvað honum finnst skemmtilegast við að stunda hestamennsku. Hann kom líka með tölthornið fræga og sýndi krökkunum. Eygló Arna Guðnadóttir, sem hlaut ungmennskál Geysis 2017 var einnig með okkur og sagði frá sér og sinni hestamennsku og minnti okkur á hvað það væri mikilvægt að hafa gaman af því að ríða út en ekki bara að hugsa um keppni. Við sýndum nýju Geysispeysurnar sem við fengum mjög góðar viðtökur og margir Geysismenn, bæði fullorðnir og börn, ganga nú stolt í þessum flottu peysum. Boðið var síðan uppá pizzu og djús.



Frá uppskeruhátíðinni – Viðurkenningar – Eygló Arna og Jakob Svavar

Hestatengt föndurkvöld

Í janúar vorum við með föndurkvöld þar sem við bjuggum til armbönd úr hestahárum. Þetta kvöld lukkaðist ótrúlega vel og mættu um 40 börn og foreldrar sem fóru vel skreytt heim um kvöldið. Nefndin bauð líka uppá létta hressingu. Viðburður sem verður klárlega endurtekin.



Reiðnámskeið

Í janúar hófust reiðnámskeið á vegum Geysis en boðið var uppá námskeið á tveimur stöðum þar sem að svæðið okkar er stórt. Námskeiðin fóru fram á Skeiðvangi/Hvolsvelli og á Skeiðvöllum/Rangárþing Ytra. Kennt var í nokkrum hópum þar sem var skipt eftir aldri og getu og einnig boðið uppá keppisnámskeið. Einnig ber að nefna námskeið sem Theresa er með á Hellu sem kallast Hestafjör eru mikilvæg fyrir okkur hjá Geysi því þar hafa börn möguleika til að vera með sem eru ekki með aðgang að hestum. Góð þátttaka var á öllum námskeiðunum.

Krakka og pollastund

Á öllum vetrarleikum vetrarins (febrúar – mars – apríl) sá æskulýðsnefndinn um að vera með þrautabrautir fyrir polla og krakka sem vildu kannski ekki endilega keppa í tölti. Þetta tókst mjög vel og var fjölmennur hópur af krökkum og pollum á öllum mótunum sem tóku þátt í þrautabrautinni. Þau voru síðan að sjálfsögðu öll verðlaunuð fyrir góða frammistöðu.



Óvissuferð

Í mars fóru um 20 hressir krakkar með okkur í óvissuferð sem tókst mjög vel. Fyrst var farið á Skeiðvelli þar sem Lisbeth Sæmundsson sýndi okkur ýmsar kúnstir sem hún er búin að kenna hestinum sínum. Síðan var farið í leiki og boðið uppá smá hressingu. Næst var farið í hestasundlaugina hjá Kobba í Áskoti og þar fengum við að sjá ungan stóðhest synda sem var mjög spennandi. Næst kíktum við á Jakob Svavar á Fákshólum og fengum að kíkja á nokkra glæsilega gæðinga. Áfram hélt hópurinn og stoppuðum við í Ægisíðuhelli þar sem Torfi og Olga sýndu okkur og sögðu okkur söguna á bakvið hellirinn. Næst var farið á Kanslarann þar sem við fengum góðar móttökur og pizzur fyrir hópinn. Enduðum síðan í sundi eftir skemmtilegan dag.



Hestasundlaugin í Áskoti og Kobbi – Lisbeth á Skeiðvöllum – Júlía frá Hamarsey/ Fákshólar

Æskulýðssýning Geysis

Þann 1. maí á degi íslenska hestsins þá hélt nefndinn sýningu í reiðhöllinni á Hellu. Þessi sýning átti að sýna afrakstur vetrarins á öllum námskeiðum og viðburðum sem að búið var að halda um veturinn. Markmiðið var að sem flestir krakkar sem höfðu áhuga gætu tekið þátt. Það er alveg óhætt að segja það að þessi sýning fór alveg fram úr okkar væntingum. Alla tóku um 75 krakkar þátt í sýningunni og það komu um 300 manns til að horfa á. Þar mátti sjá allt milli himins og jarðar, vel æfðar töltkvadrillur, polla í grímbúningum, índjána í hindrunastökki, þrautabrautir og börn á flugskeiði í gegnum höllina. Fimmtán fjölbreytt atriði voru á sýningunni og allir sem tóku þátt í sýningunni fengu húfu eða buff. Mikil stemmning og gleði ríkti á þessari sýningu.



Sveitastjórar Rangárbings ytra og eystra og frá Ásahrepp – Ungir Geysisknapar í munsturreið



Hluti af krökkunum sem tóku þátt – Hindrunarstöks sýning vakti athygli

Fjölskyldureiðtúr

Í maí var farið í fjölskyldureiðtúr frá Miðkoti niður í fjöru og heppnaðist ferðin mjög vel. Við fengum frábært veður, sól og blíðu, og um 20 manns mættu með hesta. Riðið var eftir skemmtilegum reiðleiðum niður að sjó sem var mikil upplifun og einstaklega fallegt. Eftir hestaferðina þá var hlaðborð af veitingum í blíðunni sem að allir lögðu til sem að mættu í reiðtúrinn.



Landsmót hestamanna - grill Geysis

Okkar síðasti viðburður í sumar var síðan að sjá um fjölskyldugrill á Landsmótinu þar sem öllum félögum Geysis var boðið að koma og fá sér pulsir, kaffi og djús en þetta var gert til að þjappa öllum betur saman sem voru komin til að horfa eða keppa á Landsmótinu. Fengum við lánað eitt hesthús í Víðidalnum þar sem við hittumst og áttum skemmtilega stund saman. Krakkarnir okkur stóðu sig líka mjög vel á Landsmótinu sem við erum stolt af.



Takk fyrir okkur

Æskulýðsnefnd Geysis 2017 - 2018

Ása Ljungberg – Bianca Treffer - Eydís Hrönn Tómasdóttir - Katrín Sigurðardóttir- Kristín Svandís Jónsdóttir – Sarah M.Nielsen